

掃

紅

亭

吟

稿

掃紅亭吟稿卷十四

崇川 馮雲鵬晏海

古近體詩

己丑春至  
庚寅夏

元旦立春二首以元春二字為韻

三陽啟泰到仙源。恰值迎祥淑氣暄。浩蕩春風初

入律。

是日辰  
正立春

太平天子正朝元。懽騰紫陌開煙景。瑞統青旂拂  
露痕。百歲難逢今日遇。好書雲物傍霄門。

二

祥雲旭影歲朝春。己丑逢年日丙申。

北。關。恩。光。千。里。共。東。郊。綵。隊。一。番。新。葦。莢。桃。梗。驅。除。遍。金。勝。銀。旛。慶。賀。頻。惟。念。故。園。成。久。別。辛。盤。遙。

獻祝靈椿。

時家君年八十有九

十九日初度述懷

桑榆晚景尚依然。六十年過又五年。藐苑書倉空。

歷碌雲門陋巷幾流連。誕生偶合長春子。

邱處機真人號

長春子生于金皇統八年正月十九日  
後得道于燕都白雲觀亦于是日飛昇學道難逢  
果老仙留得一枚煎餅在安排明日補天穿拾遺記正

月二十日以紅絲縷繫煎餅置屋上名曰補天穿

二十一日壽孔秋崖繼堦七十有一

仙源古治托崇基。勝日開筵酒滿卮。君長六齡偏  
矍鑠。我先三日苦奔馳。家藏漢室延年丸。地有元  
人慶壽碑。兄宅後有元時燕山老人歲邁古稀身  
更健芝蘭繞砌介期頤。

二十七日贈李序堂二首

吉曜臨高閣。城南寶氣騰。新春占富有。大業喜重興。子母權三倍。商民裕百朋。主人李北海。對此興尤增。

銀海珊瑚樹。瓊林碧玉柯。阜財資地利。得衆在人。和。西晉祥雲合。東山瑞靄多。况當大庭庫。積厚更如何。

二月朔題壽星真像圖贈袁伯葯家路

原序云。嘉祐七年冬十一月。京師有道人。遊卜於市。莫知所從來。體貌古恠。不與常類。飲酒無算。不醉。都人異之。好事者潛圖其狀。後近侍達帝所。召見。賜酒一石。飲及七斗時。司天臺奏壽星臨帝座。忽失道人所在。帝嘉歎久之。閱世間所寫壽星圖。不知其幾。頰龜狎竊松柏參錯粉飾鮮麗而已。其於壽星之真果何如也。我朝天下熙

熙宜乎壽星遊戲人間。躬見於帝。意必有  
感召而然。珍禮是圖。與民同壽。真帝意也。  
時治平甲辰孟冬上澣。衛人邵雍敬題。

壽星載在天官書。世間畫像多含糊。長眉大髯背  
偃僂。顴龜狎鶴策杖扶。此乃塵世老人相。天星未  
必同。凡軀嘉祐七年黃鍾月。忽有道人賣卜來京  
都。年可四十許。身短類侏儒。一日能傾千百壺。好  
事爭傳達帝所。丹墀召見天顏舒。賜之一石酒。飲

纔七斗餘。果然靈氣通天樞。司天臺奏壽星臨帝座。倏忽不見成虛無。天子為失色。臣下空踟躕。一時圖畫相頂禮。紀其事者邵堯夫。吾聞邵子精易象。皇極經世溯皇初。元會運世發其秘。斯圖斯記良非誣。袁生何由得此像。珍如趙璧隋氏珠。初視令人大駭異。細玩乃覺神骨殊。願繪千本懸初肆。廬山面目求真吾。大富貴者亦壽考。擬作神堯五老圖。



花朝日沈月坡自濟南至曲邑時將之東昌

即以將之東昌四字為韻贈四截句

壯懷彈鋏躍干將。挾策遨遊載錦囊。恰喜花朝來。過此百花濃。襯筆花香。

琴書僕僕欲何之。魯酒臨歧薦一卮。且看官牆增。美富周秦遺蹟。漢唐碑。

年來踪跡海天東。光嶽樓頭旭日紅。辭別姑尤入。聊攝全齊風物。豁心曾。

姑尤水在縣西即墨間東  
昌聊城即聊攝地光嶽樓

在聊城兄有  
光嶽樓詩卷

大明湖畔柳絲長。風景曾看似武昌。此去綠雲亭。  
更。好。好。從。大。塊。假。文。章。  
亭在東昌

十三日壽孔孺人六十

鍾儀郝範樹芳型。壽宇開臨寶婺星。閭內仁風揚。  
夏屋堂前皓月照春亭。  
孺人吳氏係執事官孔毓洙之室節孝有賢聲居奉  
社六旬人健貞松翠。四野花明瑞麥青。眼底曾孫  
又成立。笙歌盈耳祝延齡。

三月八日過昌平山

青山綿亘疊重岡。惟有昌平似印方。四面煙蘿垂  
組綬。千年苔蘚繡文章。坦途直接魯親里。佳氣遙  
連顏母莊。會市猶興亭址杳。沂流長護聖人鄉。  
漢器碑顏氏聖舅居魯親里史晨後碑史君念孔漬  
立會市桂未谷云魯親里即今魯源莊東為顏母  
山。山前有顏母莊古井在焉。昌平山在尼山南。沂  
水界之。亭當在沂水南。今不可考。昌平鄉以山得名。

謁尼山二首

南謁尼山望遠村。驅車先出上東門。路由泗水經。  
沂水人自仙源入。魯源拔地層巒蒼靄合。摩天絕。  
巘碧雲屯。畢生仰止。今初慰毓聖鍾祥。溯本原。

二

石像何從仰聖容。坤霸洞口蘚苔封。  
坤靈洞即夫子洞。洞三門。廣兩楹。有石像石牀。石几。皆天成。今淤。  
小不見。惟有元皇慶時。鄒尹司居敬碑。四圍水抱。  
中和壑一掌。雲開五老峯。栝柏懸厓臨澗綠。攄桃。  
過雨帶煙濃。宮牆寂寞崇基峻。萬古尊嚴婉岱宗。

尼山硯歌贈劉鳳山

景揚

陽春三月開芳甸。遠岫平林花似霰。霰蕊靈小憩魯  
源莊。燃藜閣上留嘉醺。主人導我謁尼山。歸來贈  
我尼山硯。此石細潤勝昌平。截取天根雲一片。真  
山硯極細狀如澄泥。不可杏葉參邊。雨露濡智源  
多得世多以昌平石偽之。杏葉參邊。雨露濡智源  
溪口珠璣濺。人參有智源。溪培植成壁友。研龍賓金  
星細碎紅絲緣。可知宣聖寫麟經。取材不用他山  
選。至今恍見文在茲。端歛紛紛皆後彥。吁嗟乎硯

臺井在硯無存講堂通日稱書院洙泗書院本為夫子硯今無得此可以鎮文房聊為山靈分一線  
存有硯臺井劉君訂我金石交鄒南魯北遙相戀

### 尼山硯銘

尼山之英汁光之靈鈎河摘雄見史晨碑摘注史  
擘經卯金持贈介石永貞磨而不磷與德俱馨

### 西陬道中

城南十五里有地名西陬或云聖父邑境與東陬

俛有東陬西陬之名或取息陬義宣聖駐鳴騶二

說各有據先後不相謀按為發祥地古蹟難深求

我自昌平返脂車此停輶暖暖茆茨屋桑柘人煙

稠野老多淳朴眷言思宗周莖城不可見落日西

山頭杜預注陬邑魯縣東南莖城也炊煙碧雲合客子起鄉愁策

馬發長嘯春風吹離留

望日喜晤魁少尹星子慶

人到仙源未是仙南昌仙尉獨翩然驚心遠道來

千里屈指重逢。六年纔出都門。寒月底又巡試。  
院曉風前。攝官漫道時難久。京兆何妨五日傳。  
攝時

曲早典  
史事

題賀華南景循飼鶴圖二首

湖山石畔足徜徉。梧葉蕭疎蕉葉長。兀坐最宜書  
一卷。披圖重見賀知章。

侍兒生得好眉彎。飼鶴花陰意態閒。鶴似美人君  
似鶴。一般仙骨遠塵寰。



二十日題蕭鷺汀學博浹浹辰吟稿四首

雲水悠悠鶴夢閒。一聲長嘯震天關。恠來詩思清如許。家住罍海上山。

一編著錄浹辰吟。十二年餘物感侵。不忘奇泉讀書處。白雲紅葉點秋陰。

彭澤城邊逸興飛。蕪湖關口客心違。就中觸我江南恨。十度風帆燕子磯。  
集中有舟次彭澤次蕪湖關燕子磯諸作

年來木鐸振仙源。朝夕譚詩酒一樽。恰好花濃矍

相○圃○更○添○多○士○立○程○門○  
縣學在雙相圃  
中時院試甫畢

題畫三首

畫○裡○煙○波○似○六○朝○湧○金○門○外○盪○輕○橈○貪○看○夾○岸○花○  
明○媚○不○記○舟○行○第○幾○橋○

四○山○迴○合○遠○峰○青○着○個○漁○舟○傍○柳○停○沽○酒○入○從○啼○  
鳥○去○釣○魚○竿○上○立○蜻○蜓○

小○小○招○提○遠○遠○村○紅○泥○墻○帶○綠○雲○痕○山○僧○托○鉢○知○  
何○處○留○得○雙○松○守○寺○門○

題畫

奇○峯○矗○地○勢○氤○氲○畫○裡○林○亭○石○逕○分○我○羨○杖○藜○人○  
獨○健○一○層○山○踏○一○層○雲○

雜題畫冊六首

明○峭○壁○參○天○立○奇○松○壓○水○生○刺○船○人○不○見○惟○有○月○華○  
成○都○天○下○秀○巨○嶺○扼○重○關○求○仙○應○不○遠○步○上○武○擔○  
山○

山亭樹杪懸四壁俱空洞旭日出雲間照醒紅塵夢。

青山疊疊奇險絕無人影樓閣不知危飛立青山

頂。

人與樹為朋錯立雲深處引領得奇觀指點過橋去。

松楸夾路長石磴層層峻疑登十八盤步與天門近。

四月十日魁少尹星子招飲樂園

邽亭左右快登臨。客裡歡場結契深。  
樂園自宜名士賞。香醪借與美人斟。  
時有歌女歌聲串月聯紅袖。  
燭影穿雲散碧岑。又見白羅花滿樹。  
醉餘引興發高吟。

十三日孔絅文學博招集春及園觀芍藥

去年此際醉屠蘇。又到園林閱畫圖。  
好境儘教朋友共。名花還認故人無。  
翩反意態欺飛燕。綽約丰

神效藐姑萬朵千枝雲五色。擷芳亭北抵蓬壺。

二

聚八仙猶弄粉團。亭前八仙繡球花猶滿樹羣芳點襯百花欄。  
陳。恂。艷。說。紅。都。勝。埠。雅。矜。傳。小。牡。丹。茶。熟。壽。眉。銷。  
客。恨。酒。傾。婪。尾。助。君。懽。廣。陵。別。後。繁。華。杳。數。盡。仙。  
源。此。大。觀。

附錄孔冶山上公春及園看芍藥二首

又來園圃小盟桓。映日當風秀可餐。窈窕久為。

才○子○重○溫○柔○權○作○侍○兒○看○如○熏○銀○葉○香○遙○遞○再○  
護○金○鈴○採○更○難○祇○恐○芳○叢○易○銷○歇○年○年○春○盡○一○  
憑○欄○

平○明○還○怯○曉○風○嚴○身○價○隨○時○任○客○添○十○畝○綺○霞○  
雖○散○彩○一○春○好○雨○未○曾○霑○浣○紗○越○女○橫○雲○髻○傳○  
粉○何○郎○插○帽○簷○寄○語○遊○人○休○浪○折○楊○花○已○近○水○  
精○簾○

二十日賀陳生玉泉  
建源  
入泮

德星此日照朱陳。弱冠遊庠氣象新。筆架山前毫  
脫穎。硯臺井畔水生春。青箱已續囊中錦。黃卷還  
儲席上珍。玉泉父俊三亦係癸酉選拔玉泉以  
縣試第一入泮喜博覽書籍有父風有  
志冲霄舒大翮。佇看一舉絕風塵。

又贈玉泉畫蘭扇

淋漓墨瀋寫文章。更畫階蘭引興長。春至喜同桃  
並放。秋來還與桂俱香。風枝露葉辭巖谷。意蕊心  
花入玉堂。持贈采芹人拂拭。好將九畹細評量。



五月七日壽張樸齋少尉大豫六十

纔經重五度芳晨。又慶華堂揆覽辰。香尉開筵榮  
六秩。蒲觴留醉祝千春。榴舒麗日紆紅綬。竹引薰  
風挺綠筠。更喜階蘭還蔚起。宮袍乍煥舞衣新。  
時

嗣韶九將赴  
粵東候選

題畫朱竹扇贈徐樹人明府二首

勾漏丹砂畫此君。此君風格倍超羣。祇緣日觀峯  
相近。不染青雲染赤雲。

亭○亭○勁○節○顯○高○標○玉○筍○班○中○破○寂○寞○應○與○朱○衣○人○  
作○伴○和○風○一○路○入○丹○霄○

題畫朱竹扇贈徐茂存

映○日○臨○風○氣○勢○軒○蕭○疎○異○質○產○淇○園○近○朱○者○赤○常○  
如○此○不○與○叢○篁○一○例○論○

題畫朱竹扇贈袁敬臣

修○竹○參○差○夏○亦○寒○檐○前○日○日○報○平○安○自○從○染○出○珊○  
瑚○筆○便○作○朱○衣○點○額○看○

題畫紅綠牡丹扇贈鄭春華

庭前富貴花。紅綠相經緯。坐對足怡情。何必姚與魏。  
前年贈數叢。今歲着花未。寫此寄遙情。文采參  
炳蔚。旁有書帶草。餐飫詩書味。崑山接不其。袖領  
多春氣。兄有別業在崑山南麓名不其山房予曾為書額

題畫半美團扇二首

欲將半美見全身。風致天然態逼真。手托腮邊思  
底事。多應盼着意中人。

看○似○吳○娃○似○越○娃○。纖○臂○窄○袖○捲○宮○紗○。齊○紋○影○動○香○。  
風○起○兩○鬢○新○簪○抹○麗○花○。

題畫扇

小○屋○嵌○山○。罽○樓○烏○巢○樹○頂○。薄○暮○一○僧○歸○。披○着○斜○陽○。  
影○。

題畫贈袁守庭

山○遠○綠○陰○濃○。樓○閣○藏○雲○樹○。時○有○訪○道○人○。徘徊○入○煙○。  
霧○。

十七日賀衍聖公畢夫人四十壽即用冶山

上公自壽原韻四首

天○教○才○福○一○身○兼○極○品○榮○光○耀○彩○檐○設○悅○筵○開○洙○  
水○曲○畫○眉○牕○對○繹○山○尖○并○官○古○制○垂○瑶○佩○  
漢禮罷碑里賢聲溢繡簾四秩稱觴逢五月銅  
今作升官壺漏永海籌添

二

雲洲竚渡授長生。制府金閨繼令名。

畢秋帆制軍夫人張霞城

太君工詩詞有雲洲貯渡小照紅萼軒中鸚鵡喚  
公夫人迎養公府老健如少年紅萼軒中鸚鵡喚  
鐵山園裏鳳皇鳴宮袍戲綵蘭陝景象服承懽綺  
閣情轉道膝前新婦喜報來殿撰是親兄儲公夫人係新  
妹科李海初殿撰胞是日正逢捷報

三

重重樓榭擬方壺舉案齊眉醉百觚並蒂蓮花開  
錦幄同心梳子映流蘇冰桃雪藕呈嬌女玉脍金  
虀進膳夫簫管一庭深夜沸萬條銀燭捲蝦鬚

四

錦屏詞藻艷如花。天畢星輝五色霞。

詔捧金泥

恩賚重。香焚寶鼎篆煙斜。延年樂奏琴三疊。自壽詩成手八叉。歲歲榴紅斟兕觥。婉姸遙降紫鸞車。

錄自壽原作

莊閣連朝笑語兼。十分新綠到重檐。句無錦繡繡。繡詩料。字走龍蛇仗筆尖。菡萏香歸雲母帳。榴

花○紅○透○水○精○簾○玳○筵○留○得○蒲○觴○酒○權○當○仙○籌○為○  
爾○添○

欲○邀○王○母○話○長○生○貞○靜○幽○嫺○早○著○名○弱○女○驕○兒○  
堂○上○拜○玉○簫○金○瑟○檻○前○鳴○鴛○鴦○比○翼○堪○為○侶○梁○  
孟○齊○肩○倍○有○情○我○長○三○年○先○四○十○也○還○讓○我○作○  
如○兄○

瞳○瞳○旭○日○照○蓬○壺○新○設○盟○餐○酒○滿○觥○儉○樸○料○應○  
輸○閨○里○繁○華○難○得○比○姑○蘇○畫○眉○曾○學○張○京○兆○射○



掃紅亭吟稿

雉休誇賈大夫。兩女青絲皆挽髻。乃翁人笑未  
留鬚。

幾重樓閣幾重花。絳蠟輝煌綃彩霞。淇竹遠垂  
苔徑瘦。蜀葵高插膽瓶斜。長宵人奏春波曲。小  
句奴提玉畫叉。可記結襦君十六。阿儂迎上六  
萌車。

六月望日賀孔琴南廣文納姬

琴瑟餘閑聽玉簫。深陰司訓幾魂銷。廣文冷署心

偏熱先發千金買阿嬌

年華二八正輕盈。妙選周姬美有名。應比許飛瓊。  
更好玉虹樓上小。星明。

青鳥來時勝彩鸞。一邊含笑一邊酸。須知寵極宜。  
生子燕姑當年解夢蘭。

蓮開竝蒂更連枝。消受風光六月時。值得同人投。  
錦繡蕭閒堂裡醉金卮。

七月二十五日賀張貞卉花燭四首

纔看天孫渡鵲橋。良緣又見締良宵。珠聯璧合情何限。花底雙聲紫玉簫。

絲繩結好重仙源。王謝家風出淑媛。孔雀屏開天作合。明璫翠羽入朱門。

畫眉彩筆付張郎。綺閣初開早桂香。五世昌應諧鳳卜。弄珠人上紺珠堂。

蘭蓀繞膝又連枝。喜值高堂重慶時。遙望玉河煙柳畔。祥鍾相里座靈芝。

古諺云相里張多賢  
良積善應子孫昌

題此仙余泉姑鳳泊鸞飄圖四首

戊子秋杪。高子寄泉名繼珩。於津門古寺  
作扶鸞之戲。有貞女余泉姑降壇。為錄其  
詩語。并請繪其像。高髻素服。兩手各持斷  
玉環半枚。名鳳泊鸞飄圖。一時題咏如林。  
其此詞云。泉姑字素如。秣陵人。前明末吏  
余芬女也。年二十。習女紅。守閨訓。有表仲  
某言通媒妁。人倩蹇修。因有故而事不諧。

後年餘許字他氏子。其人嫉之。生成虎狼  
之心。大肆雌黃之口。以不潔之污泥玷侵  
白璧。將已成之鸞鳳緣斷。朱絲嗟乎挑燈  
長歎。絡緯如助以悲鳴。對月輕啼。嫦娥亦  
為之掩面。不得已。遂步遲遲之周道。為踽  
踽之獨行。原冀逢伊人之在室。剖心而陳  
何期。標使者以出門。反顏相向。當是時也。  
恨未垂青心。成不白來。雖有路去。已無門。

是以歌北風之淒。其望斷梁鴻舉案視井。  
泉之清冽。竟學綠珠墜樓矣。其詩云。無端。  
巧舌鼓如簧。斷送邯鄲夢一場。守得冰心。  
清似水。鋼刀不怕藕絲長。又云。說起傷心。  
事。盈盈淚欲垂。西江不可濯。百辨詎容辭。  
安得懸河口。陳情快吐之。無人能解此說。  
與白雲知。又題循陔采蘭圖云。蘭生空谷。  
中。香潤蒿萊久。孝子采其花。其根同不朽。

蘭兮如有知。亦應開笑口。又一絕云。心已如冰。志若灰。游魂日日隱蒿萊。雲陰月黑。風蕭颯。怕聽枝頭杜宇哀。後寄泉為作一小傳呈之。復題句云。鐵爛石枯。恨不消者。番心事情。誰描而今。自遇傳神筆。都化長空。半夜潮。遂辭別而去。今秋沈子鶴坪以寄來稿本見示。輒歎其才之艷。志之貞。沉寃已二百年餘。抒憤在三千里外。其精靈。

耿耿必有不可磨滅者故咏其事。

重提往事暗魂銷。貞女含冤。歎寂寥。恁為讒言成。  
貝錦每彈。痛淚濕冰綃。金陵有恨分鸞鏡。銀漢無  
緣渡鵲橋。古井自投。名自顯。留將白壁說前朝。

二

霸光游漾到津門。蕭寺鸞壇。盛蹟存。燭影牽來仙。  
子被。爐煙裊。動美人魂。頻裁麗句。雲千朵。細寫幽  
情。月一痕。石爛海枯。終見底。笑他謠詠。枉評論。



三

鳳。泊。鸞。飄。繪。作。圖。珍。珠。小。字。寫。泉。姑。斷。環。隱。霧。銀。  
蟾。缺。高。髻。盤。雲。玉。鸞。扶。除。却。艷。粧。心。自。澹。披。來。道。  
服。影。還。孤。此。身。已。証。人。天。表。漫。自。傷。心。聽。鷓。鴒。

四

芳。魂。重。約。降。花。陰。爭。向。瑤。臺。畫。裡。尋。白。下。長。埋。黃。  
土。冷。丹。心。遙。度。碧。雲。深。幾。多。香。澤。隨。風。散。不。少。詩。  
人。帶。淚。吟。假。使。當。年。成。宴。好。那。能。傳。誦。到。而。今。

又題四絕句

渺矣仙踪不可期。焚香且唱步虛詞。  
眼前世事紛如織。願借鋼刀割藕絲。

吹簫女子伴淒涼。孽海消除愛海忘。  
題罷采蘭圖

一笑可知已作杜蘭香。

吹簫女子并泉神名

游仙風骨自姍姍。學道非難悟道難。  
會得真人一

拳石不須重上五峰山。

姑自言嘗從悟影真人于五峰山下真人告予曰道

之一字至難而至易。昔吾養性之時萬慮雖除一  
間未達忽于明月中見樹葉落其影亦與之俱落

乃拍手自吟曰。鏡裡花何艷。山頭雪易消。拋來一拳石。塞斷大江潮。可知道不在學。在能悟耳。

高子才長下筆妍。妃紅儷綠結仙緣。擬將續入雲鄉集。轉為泉姑想寄泉。

高寄泉所撰泉姑小傳工麗無匹未能備載予嘗聞

周少恬云大仙諸詩名雲鄉集

### 錄孔冶山上公詩

金陵城。余氏女。少小已能歌樂府。閨中小字號泉姑。鐵石丹心生亦苦。父母選東牀。尚未供婦職。中表有惡少。傾慕女顏色。屢次倩冰人。求婚

婚不得美人謠詠豈尋常。舌鼓脣搖布滿國。良  
人自把紅顏棄。如此瓊姿黃土瘞。一夜淒風化  
作煙井泉。白水申盟誓。含冤直到去年秋。鸞降  
津門寺裡游。二百年来懷恨事。畫沙仔細說緣  
由。松柏莫比閒花柳。寫入生綃垂不朽。高髻蓬  
鬆却道裝。斷環猶在纖纖手。繪作鸞飄鳳泊圖。  
守貞真不愧泉姑。武昌石是前生影。立在山頭  
搃望夫。生本烈死更潔。世間難得冰霜節。女媧

煉石天可不補貞女抱冤不可不雪雖未親夫  
面地下可同穴姓氏爭傳白下門井波千古  
脂血

錄孔鎮齋先生詩

泉姑貞靜閨中女為遭冤憤井中死怨魄猶沉  
水底天精靈早已冲霄起珊珊如霧復如雲託  
向招提降玉真濯盡西江羞不淨填平東海恨  
難伸惱煞誰家狡獪兒毒如蜂蠆嫉蛾眉青蠅

誤玷無瑕玉。黃綃誰題有恨辭。手執一雙玉斷。  
環雲鬟高髻。道衣冠。蘭心蕙質。愁中見。鶻血啼。  
痕。畫裏看我已思量。出塵世。題詩兀自添悲思。  
顧我原非鐵石腸。為他還灑潺湲淚。綵筆生花。  
沈鶴坪空山高唱和。吹笙如何却倩支離叟。要  
為孤凰更一鳴。

錄沈鶴坪詩

山川霸秀鍾金陵。忠臣義士如雲蒸。巾幗鬚眉

亦閒出。懷貞履潔凝堅冰。泉姑本是閨中秀。氣  
軼鍾峰最高岫。種得梧桐待鳳凰。不教燕雀輕  
相就。東隣蕩子慕舜華。欲結同心作室家。奢願  
未償懷憤怒。無端竟把流言布。舌劍唇鎗不可  
當。丹心莫剖恨茫茫。捐生古井無情水。一縷貞  
魂去北邙。蒙垢含羞二百秋。星移物換不勝愁。  
朦朧燕子磯。邊月照徹淒涼土。一邱風流儒雅  
高。常侍扶鸞遊戲津門寺。排雲夜半下重霄。訴

盡生前不平事。劃破沙盤恨轉深。似嗟世上少  
知音。黃金不買長門賦。玉軫空彈漆室吟。燭光  
慘淡無顏色。情絲撩亂愁難織。鶴唳聲悲猿嘯  
哀。滿座聞之皆嘆息。爰裁東絹屬黃荃。高髻我  
我畫裡傳。手執斷環凝睇立。箇中心事有誰憐。  
彩鷺慣惹鴝鵒妒。好花已被東風誤。獨抱冰心  
貯玉壺。白雲深鎖桃源路。底事劉郎太薄情。一  
任瓊姿委霜露。吁嗟乎。破鏡難圓。感樂昌天心。



香。畢。竟。許。褒。揚。放。歌。準。備。輜。軒。採。羸。得。千。秋。姓。氏。

錄孔伯海儲公詩

心。同。冰。雪。性。溫。存。待。字。東。牀。白。下。門。祇。為。流。言。  
傷。薄。命。還。憑。詩。冊。慰。貞。魂。香。閨。一。夕。悲。離。緒。首。  
井。千。秋。漬。血。痕。從。此。人。間。傳。義。烈。夜。臺。休。更。怨。  
黃。昏。

小。降。鸞。乚。訴。寂。寞。深。愁。閒。寫。一。條。條。玉。環。斷。處。

情○先○斷○碧○海○消○時○恨○未○消○為○託○煙○霞○留○幻○跡○倩○  
募○顏○色○上○生○綃○徵○詩○幾○遍○詞○林○客○姓○氏○應○教○達○  
市○朝○

錄孔秋士憲彞詩六首

史○筆○如○椽○字○字○道○寫○他○地○下○畔○牢○愁○此○時○奇○節○  
當○年○恨○白○骨○青○燐○二○百○秋○  
玷○侵○白○璧○斷○朱○絲○千○古○傷○心○萬○古○悲○不○是○懸○河○  
謫○仙○口○空○教○說○與○白○雲○知○

俱用  
驚語

為全大節重幽冥。敢惜欄前顛顚形。恨血一  
堆。千載碧吹簫長伴古盤霸。

芳澤無加挽鳳鬟。畫中細認舊時顏。可憐不是  
重圓鏡。兩手空持斷玉環。

灑將文露到窮泉。香火前生信有緣。願覓玉碑  
書斗字。好詞一一為君鐫。

握翰空傳貞烈神。鸞書未見畫沙真。不知他日  
瑤臺會。可有鴛鴦學繡人。

此語後會  
有期故云

八月十日題孔琴南綬藤吟舫詩稿

綬藤吟舫垂珠網。中有高人愜心賞。紫穗凝香捲  
浪煙。天風隱隱相摩蕩。有時倚檻發高歌。似泝流  
光擊蘭漿。此舫如登博望槎。支機石取星河上。主  
人綺歲重賢書。詞章贈答傳天壤。屢赴春明志未  
伸。過眼程途記來往。丁字沽邊夜飲豪。天津橋畔  
春潮長。金臺銅驛每流連。何處春深結遙想。集中  
有處春深好。二十  
首無所不備。珠璣成帙墨花浮。光映玉虹騰百

文○邇○來○司○訓○向○犁○邱○  
時赴臨邑訓導新任東○山○木○鐸○西○山○響○  
此○行○更○積○好○詩○篇○載○將○吟○舫○雲○霞○朗○秋○水○澄○清○破○  
浪○飛○擬○送○輕○帆○風○五○兩○

寄東平州從事王友霞煥

數○載○聯○晨○夕○分○飛○各○一○天○新○詩○編○海○外○逸○興○倚○雲○  
邊兄有護送吟咭喇國貢使治肅頑民化官廉隔  
長排一章行世描寫曲肖境○傳○須○胸○存○古○意○漢○刻○有○張○遷○  
有漢蕩陰令張遷碑刻

孫湘雲

宗樸

以畫蘭扇見貽酬詩二首魚酬

鶴山

名士軒中客。猶餘名士風。畫家推北苑。書法遍南宮。汲古胸懷朗。臨池眼界空。深情貽雅策。蘭契兩心通。

時臨新獲文待詔墨蘭

二

嗣響傳家法。英年出手奇。碧桃光灼灼。翠竹影猗猗。

鶴山亦以所畫桃竹便面見貽

韻逐花間繞。春從檻外移。神交從此密。汶水繫人思。

重九日有約登高不果見齋中盆菊初開感

咏二首

勝事難尋戲馬臺。亦逢佳節幾徘徊。黃花故故迎人笑。酌汝重陽酒一盃。

異種初開碧澗霞。名花最宜籬落野人家。十年鄉夢雲山遠。羞見庭前晚節花。

寄賀汾陽李序堂

立倫

六十壽二首

道德傳經見一班。汾陽勝景抵函關。天門直上黃

蘆嶺石室頻探子夏山。黃蘆嶺子夏山俱在汾陽子夏山即謂泉山上有卜石室東魯來遊欣聚首。西河返轡足怡顏。於今週甲康彊甚。雲自優游鶴自閒。

二

吉日開筵酒百樽。佳名猶說杏花村。杏花村在汾陽至今猶出美酒家多寶器藏周鼎。河有靈源號禹門。五色芝華方繞膝。九秋菊影已盈園。唐槐館裏遙相憶。郵祝添籌愧片言。



十月朔日偕呂心淵丁寶年謁 至聖林觀

紅葉用前人霜葉紅於二月花句為轆轤

體五首

霜葉紅於二月花。邇來先讓聖人家。圭門樓上。

雲霞蔚。

古魯城正址為圭門今二林門借其址自

參天如赤城霞起登樓一望盡在目前

洙水橋邊錦繡加。有興朋儕

皆布席。無窮詩思合停車。

停車布席在洙水橋畔如坐入錦繡叢中坐。

看遠勝寒山。景不羨崎嶇石。逕斜。

二

光明一片入無遮。霜葉紅於二月花。  
槲樹排山圍  
 絳帳楷林映日翦銀霞。  
紅槲樹即橡樹葉黃而雨餘  
 更覺韶容膩。風過徐看麗影嘉。  
正赤有光燭  
 似丹楓還奪目。  
 漁郎何處覓蒼葭。

三

深擬吳綾淺越紗。問從何地染丹砂。  
 雲林艷似三春景。霜葉紅於二月花。  
 享殿思堂增氣象。唐碑宋

木魚口以和

唱起光華

古碑旁皆有楷樹

荆關逸興邊驚手描繪難將

筆墨誇

四

行行隨路入三叉到處斑斕一望餘五色豆中調

蠟嘴

楷樹子五色具脩蠟嘴鳥喜食之俗呼蠟嘴豆

萬年枝畔見騶牙前林

石獸有角端騶牙各二史

煙巒綠以千尋柏霜葉

紅於二月花搖為前賢留手植至今樹樹轉靈芽

子貢手植楷尚在

五

槐市黃凋柳退衙。全憑晚境炫幽遐。杏壇彩筆垂天象。檜殿流光散水涯。南國羈人欣結契。東陽詞客阻仙槎。時約沈鶴坪因有事未至殷勤記取林門景。霜葉紅於二月花。

初三日壽鄒袖湖封翁六十晉九四首

峻德躋仁壽。祥開泚水源。學探羣玉府。藻耀湧金門。吹律家風在。傳經古道敦。老人星炳燭。東海奉

瑶樽

時在莘縣饒橋明府任所

二

壯志經遊遠。奇才衆所師。荆門參豹畧。陽羨擁臯比。古柏蔭常滿。靈椿老不知。歸來頻檢點。併入錦

囊詩。

三

壽域稀齡近。先期慶大年。香留籬菊後。春占嶺梅前。庭玉蘭階合。宮袍菜舞翩。家嚴將九秩。亦屬預

開筵

八月十六日為家大人八十九歲誕辰曲邑紳士為之預祝九十壽

四

花滿安仁縣。琴臺晉綠醺。榮光通沆水。

鐵橋二兄曾攝滋蒙

兩月極有政聲瑞色繞莘亭。燕翼貽謀遠。鶯遷世德馨。

褒封駢疊降。望氣介遐齡。

附錄五弟壽袖湖年伯二首

由來鄒衍喜談天。贏得星輝南極邊。十月風高揚兕爵。七旬人健啓瓊筵。芙蓉浥露榮光滿。枯

柏○凌○霜○晚○節○傳○合○向○莘○亭○張○廣○樂○斑○衣○迎○養○舞○  
踰○躐○

琴○堂○德○澤○頌○高○堂○燕○桂○傳○經○姓○氏○芳○南○翼○頓○開○  
新○氣○象○西○湖○重○憶○舊○時○光○

龍○章○疊○錫○酬○椿○蔭○鶴○髮○增○康○看○鳳○翔○舟○誼○更○欣○沾○  
譜○誼○仙○源○遙○獻○紫○霞○觴○

二十二日地震

道光己丑冬十月癸未三更聲寂滅忽聞異響西

北來大塊震蕩掀林樾。夢裏初驚身若飛。醒來旋  
訝牀傾歌欲起。不能睡不敢土墻。既隄愁成釐罌  
瓶。亂擊紙牕響無端。反側心神恍。車上疑登青石  
關。舟中似過黃天蕩。移時亂定尚怦然。目炫魂搖  
如簸錢。因思往日山東震。無過康熙戊申年。康熙七年  
六月十七日戌時地震。晉撫入告者北直山東江  
南浙江河南五省其實山西陝西江西福建湖廣  
諸省並馬著山崩石四散。五廬固山劈一半。沐河  
同日震。崖裂葛湖翻井口。歆沙黃水漫。俱在  
莒州泰安白氣長。



亘天嶧縣黑雲如墨炭撼倒邳城城堞坍壑覆安  
邱戶十萬更苦沂州無半椽樓臺盡塌人糜爛此  
皆奇劫不輕逢遺民露宿張蘆蓬震非一次不敢  
屋居惟張蘆蓆  
霖雨兼旬風不止田禾湮沒鳴哀鴻爾時報灾忙  
六府曲阜無憂慶安堵嗣後甘肅滇南震乾隆辛  
未及戊午坐者昏憤立者顛泉飛地陷紛難數方  
今西陲定太平四海安奠無戈兵巨鰲蘸眼舒地  
脉不為災患徒虛驚吾聞杞人憂天不憂地若謂

地厚無他異。那知猝變夢中生。天公示警非無意。  
人生到處有巖墻。安不忘危勤惕厲。

十一月十二日同里顧美存殿英過曲邑倩

寄家書有感

說起頻年事。可哀何時苦。盡有甘來書。成客舍零。  
星血銀入家門頃。刻灰最恨窮途還。被劫去冬以館穀寄  
家半途被舟人劫去尚憐老病未成災。殷勤倩寄平安信。莫  
比尋常故紙堆。

賀于閒巖

繼高

暨欽孺人七十雙壽

桂花黃又鞠花黃。相國家風世世昌。望重洮湖名士藪。誼親關里聖人鄉。于東海積高門久。欽壽巖垂懿德長。宋有欽德載不肯仕元隱居碧岩山下號壽岩老人贏得齊眉俱鶴髮。芝蘭繞膝慶康彊。

二

稀齡共享最難逢。惟有君申福祿重。問絹堂中懷舊雨。辛巳歲曾與兄在滕縣署問絹堂中分閱童子試卷繡衣亭上仰長松。

亭在豪情結契寧辭酒健步尋幽不恃筇歲歲蘭  
金壇陵雙晉爵時主蘭陵書院講席南山時望兩高峯

沈鶴坪以畢媛少英景桓所繪九秋圖見貽

酬二絕句

東陽持贈九秋圖繪自胥門畢小姑筆意蕭疎風  
韻好竹西心法解臨摹時從于竹西兄學畫

芙蓉霜菊鬥時新妙手拈來色色勻安得英才堪  
作配為君遴選畫眉人時方待字

臘八日賀鄭生務堂毓本花燭二首

鄭公鄉乃在鄰村。通德傳經裕後昆。詩咏采芹芳。  
滿袖入時新禮成奠雁爛盈門。紅梅助笑添脂暈翠。  
管生春拂黛痕。恰好街頭喧臘鼓。鳳簫聲引合懽樽。

二

博山爐熱裊雙煙。孔雀屏開對畫筵。樂府舊稱三。  
婦艷洞房新。看小喬妍。古樂府有三婦艷曲新鸞。  
入高氏入門恰為三婦鸞

歌鳳舞花間。月璧合珠聯。鏡裏天。草發連科書帶。  
綠仙源。遙寄彩雲牋。

十三日賀鄭秦溪

淮花燭用八音體

金針度巧繡鴛鴦。石燕飛來繞畫梁。絲引交鸞歌。  
夜月竹搖雙鳳舞。朝陽斡尊酒綠懽情。洽土阜梅。  
紅艷影長。草鼓驅寒春意滿。木芝競秀衍繁昌。

除夕和孔冶山上公歲暮書感韻四首

雪餘天淨欲書雲。除夕風光日易曛。鳳紀龍躔三。

歲換

予在曲邑三閏除夕

虎頭牛尾一宵分。室如懸磬愁空

貯。座有熏爐冷不焚。挑盡殘燈忙底事。往來酬應

捻虛文。

二

憶昔頻經此日天。掃紅亭上數推遷。良朋競赴銷

寒會。稚子欣分壓歲錢。老我飄搖萍作梗。何時豐

稔硯為田。不堪回首思家計。負累盈千力更綿。

三

瓊章飛下忽牽情。擬聽鈞天廣樂聲。鏤骨新詩開異境。驚心奇句薄浮名。吟成鸞鳳鶯俱避。撞到鐘鏞缶不鳴。君子固窮同一慨。笑他塵市枉營營。

四

由來四寶屬文房。坐對枰盟寄興長。牕竹不隨蕉夢冷。瓶梅解助墨花香。傾心黃絹題金石。轉眼青陽化雪霜。除歲恰逢除日好。是日黃道逢除仙源翹首喬雲傍。



錄原唱四首

朔風吹雪鎖彤雲。樓角今朝見夕曛。魚目龍珠。  
無客辨。鄭聲雅樂有誰分。骨難酬。世心終傲。詩。  
不驚人。草便焚。手把濁醪三兩盞。蹙眉愁讀送。  
窮文。

何須搔首問長天。從古滄桑易變遷。紙貴未拋。  
名士筆。囊空誰贈大農錢。禦寒尚蓄三年酒。飽。  
食聊憑數頃田。昨夢慈親。迴鶴駕。泣攜兒手話。

纏綿

白○衣○蒼○狗○太○關○情○已○聽○鄰○家○爆○竹○聲○鏡○裏○美○人○  
爭○買○笑○山○中○宰○相○不○沽○名○運○逢○坎○軻○金○能○救○事○  
到○離○奇○劍○欲○鳴○殘○歲○却○如○梁○上○燕○飛○來○飛○去○苦○  
經○營○

却○無○寒○氣○到○閨○房○漏○滴○銅○龍○夜○正○長○翡○翠○盤○堆○  
金○橘○艷○定○窰○瓶○散○蠟○梅○香○風○鳴○牕○牖○原○非○雨○月○  
射○樓○臺○誤○認○霜○明○日○呼○僮○尋○綵○勝○為○迎○新○歲○貼○

門傍

庚寅元日

轉眼青陽一歲新。客中猶是去年身。偶逢朔日惟

辛卯。是日辛卯借用詩句又見初春建戊寅。予係乾隆三十年戊寅月生

馬齒頻增非綠鬢。駒光易逝惜紅塵。聰明富貴鞭

難得。還倩劉郎問大鈞。祝富貴鞭聰明本元日童稚語見陸游詩

劉守衛超元贈宜興壺二具咏詩二首

瓦壺疊贈意非常。一作規圓一矩方。盧陸品題高。

入。賞。時。劉。製。造。潤。生。光。宜興壺以時劉二姓所造為良有提一盞而全壺俱  
起。寒。慙。細。瀾。龍。團。味。小。盞。輕。分。雀。舌。香。未。許。酒。徒。  
能。領。畧。獨。擎。沆。瀣。沁。詩。腸。

二

銀。罌。玉。枕。不。為。難。陶。器。精。能。另。眼。看。此。日。斟。量。宜。  
苦。茗。當。年。灌。溉。有。芳。蘭。壺以蘭花土煉造之松。風。攪。作。花。千。  
乳。竹。月。窺。成。雪。一。團。欲。識。箇。中。佳。趣。永。茶。泉。亭。上。  
倚。欄。干。城南遠泉味甘金甌懷英題茶泉二字勒于石

元夕觀燈

獅○滾○龍○蟠○五○色○鮮○滿○城○金○鼓○各○紛○狀○鞦○韆○架○蹴○雲○  
光○繞○蘿○服○燈○排○火○焰○懸○郡廟中植秋千架任兒童蹴之官園街結燈牌樓以  
白蘿服刺簇○紙○攢○花○春○弄○巧○徵○歌○踏○月○夜○無○眠○縱  
空燃之非○省○會○熬○山○比○也○有○懽○聲○慶○大○年○

十九日子六十有六初度偶讀劉水邨先生  
病後紀年詩首句作三十三仍三十三因  
師其意為四截句

三十三增三十三。水邨詩意靜中參。塵寰驅逐多  
煩擾。不是山人性所甘。

三十三增三十三。紅梅似笑蕊初含。可憐垂老人  
無賴。欲誦嵇康七不堪。

三十三增三十三。難將下筆擬春蠶。四肢無力心  
情嬾。轉羨孤僧禮佛龕。

三十三增三十三。五更清夢落江南。何時撇却輪  
轆苦。飽挂蒲帆下碧潭。

和顏青甲孝廉崇東韻

詩家習尚在敷陳。君有霸源道味真。  
三徑白雲存陋巷。一庭紅兩伴閒身。  
吟餘香洒園邊水。掃盡枝津陌上塵。  
獨具全唐好風力。下帷且作著書人。

錄原韻

十年心契托雷陳。恬澹交情見性真。  
野鶴孤雲來逸客。寒梅冷月認前身。  
論文畢竟推先進。衡品今甘拜下塵。  
不捷南宮休太息。浮沉宦海是。

何人。

二月七日遊筆架山

即防山在縣東二十五里

防嶺亘長七八里。魯邦東障參差起。取象曾呼筆架山。未到中峰疑不似。我來虔謁啟聖林。仲春擇吉循車軌。凌晨驅向瓦窰村。薄午徐觀陶落市。路轉泗河跨大橋。放眼重岡開剡施。啟聖王林已在。前祥煙鬱鬱圍桐梓。雙關嵯峨碧蘚深。面防背泗。空塵滓。果然山作筆架看。特立三峯天半峙。天造。



木糸口口禾

地設神鬼工秀甲塵寰降蕃社當年宣聖譜麟經

萬古文章溯緣始朝陽洞口光燭天響水泉邊聲

震耳響水泉合衆泉水而西注聲聞數里別有山岡號鳳凰土人競

拾鳳凰子鳳皇山澗中土人淘出石戈山斜向在

其東恍如長劍參天倚遊倦思歸日脚斜長林倒

射珊瑚紫由來世世近三台萬笏朝天何足擬

魯太廟遺瓦歌酬東野生隆恭

魯太廟基得遺瓦質古文奇識者寡雨餘剖出土

痕深貽予者誰魯東野瓦多剝缺不能全或作雲

形或龍馬惟有此瓦輪郭完古文垂字神瀟灑

一字奇古不可識旁似羽旄戈戟形不與秦漢同

陶冶吾聞黃帝巧工名曰垂世掌工師營大廈周

人制器勒工名得非遺製誰能假長生無極未為

奇延年益壽何堪寫近來偽造長生無鷺翹宜植

廟庭間此瓦不在三代下東野所見與余同聊作

歌詞存典雅

大庭庫歌

在新治東門古魯城中周公廟之東俗呼周公垌

媯○皇○歿○世○子○孫○昌○朱○顏○繼○王○扶○乾○綱○斯○為○大○庭○朝○  
冠○裳○肇○都○曲○阜○天○子○邦○爾○時○三○辰○增○輝○光○五○鳳○異○  
色○彬○文○章○帝王世紀女媯氏歿大庭氏之膺籙也三辰朱顏氏尚書大傳大庭氏之膺籙也三辰  
增○輝○五○十五○世○襲○庖○犧○長○謬○說○乃○以○炎○帝○當○自女媯至  
鳳○異○色○無懷氏凡十五傳皆釐庖犧之號見繹史按炎帝亦都于大庭之墟潘氏縣志即以炎帝為大庭氏  
貽○悞○魯○春○秋○時○庫○煌○煌○梓○慎○觀○火○縱○目○望○何○年○建○  
不○少○  
祠○奉○馨○香○更○立○結○繩○遺○化○坊○大庭氏祠及結繩遺化坊見孔東塘志

迄今祠圯坊亦亡土人但曰周公塢遺壠綿亘高  
于牆黍稷茂止風蒼涼徃徃掘得錢刀斨如商距  
子戈及古錢數典有祖不可忘顏君青甲能推詳  
幣箭鏃之屬予為衍說加評量顏青甲聞諸先達云周公塢即  
謂在城內縣東一百五十嗟哉大庭久渺茫五傳  
步者古魯城也揆之亦合十傳遷無常陽邱石樓空滄桑惟有茲土存故疆  
大庭氏五傳為赫胥氏邱十傳為有巢氏居石樓誰與祠祀復廟堂吾  
將問諸天蒼蒼

和韻寄贈寧陽謝友亭明府 應選

參軍橐筆佐西征。血戰平戎紀客程。萬里輿圖皆効順。三年士卒已歸耕。編排奏稿雲光燦。兄隨從軍出征自六年至八年所有奏稿錄成四冊點綴詩篇日色晶。邇向龔邱留治績。低徊往事不勝情。

附錄原韻

敢誇壯志賦長征。周歷西南四萬程。由黔滇蜀再經南儘有山川堪入畫。可憐戈壁實難耕。時路回京

和風作三春雨。回壘無雨春夏間。以風作雨。竟  
之。瓜熟香凝五色晶。回部產瓜有五。色。韃。祗。惜  
狀。瓜熟香凝五色晶。味較哈密尤甘美。祗惜  
居諸忙裏過。慙無好句寄閒情。

三月二十四賀周西莊明府六十壽二首

佳辰三月艷羣芳。恰好賓筵侑綵觴。柳影千絲開  
錦幄。鶯聲百轉入琴堂。釣魚臺畔輿情洽。準字池  
邊德化揚。致密城在汶上縣。西即夫子宰中都。處  
為之周刺。四魚中刺。準字取中行。來往浮雲誰似  
之。義宋元祐間。縣令周師中所作。

此兩膺組綬閱年長

兄在汝上  
兩任最久

二

華堂具慶甲初週。政自優游祿自遒。意氣渾如松  
百尺精神原比鶴。千秋護庭壘荷  
雙鸞。詒桂砌新營五鳳樓。令嗣卿珊候選主政兩  
與熾兒同乙酉壯榜  
世知交慚縞紵為祈進秩且添籌。

酬孫湘雲

宗樸

即以寄懷二首

花橋詞客老忘年。涉筆詞場意渺然。滴粉搓酥香

入霧帷。雲翦水。夢如煙。論交欲結同心社。聚首慙無一面緣。示我陽春才八闕。去冬寄到花影吟餘吹笙等詞八首倍覺緒纏綿。

二

江南江北幾寬銷。回首風光逐絮飄。水綠花紅名士舫。月明雲澹美人簫。生憎無分酬三影。張子野善詞調人稱三轉羨多才。譜六么。萍梗雖離猶未遠。好憑尺素慰清寥。



車中

沿○途○鳥○語○喚○鉤○輶○羈○客○何○心○尚○遠○遊○山○勢○自○雄○終○  
少○水○車○行○任○好○不○如○舟○齊○南○魯○北○今○番○遍○楚○尾○吳○  
頭○往○事○悠○提○起○鷺○花○三○月○景○紅○橋○綠○柳○夢○揚○州○

偶成

風○雪○頻○侵○酒○不○酣○餘○寒○兀○自○困○春○三○香○生○硯○北○思○  
淮○北○詩○落○天○南○倣○劍○南○振○翮○難○期○雲○際○鶴○樓○身○竟○  
比○蘭○中○蠶○有○心○看○破○人○間○世○道○德○千○言○誦○老○聃○

自歎

自歎塵氛攪一生。茫茫何處問前程。達人。不作求。  
官計。君子。惟爭。沒世名。料理煙霞歸翰墨。安排日。  
月。定權衡。晝長。剥啄。心難靜。勞汝青燈照五更。

小院

小院無風日。脚斜。蕭然。况味冷。偏嘉。循牆自理翁。  
孫竹。繞砌。閑評。姊妹花。未許。兔園。留宿草。且開龍。  
井品。新茶。牕前。蝶板。索人甚。權作吟詩對會家。

四月二日題孔冶山上公授經圖

包○義○一○畫○開○天○荒○典○謨○相○繼○文○炳○煌○帝○諦○王○往○紛○  
無○常○傳○經○無○過○詩○禮○堂○壁○中○絲○竹○彈○八○琅○漆○書○蚪○  
蚪○能○收○藏○奎○婁○分○野○星○含○芒○泰○階○六○符○輝○文○昌○上○  
公○圭○衮○黼○黻○裳○七○十○三○代○承○素○王○  
御○書○樓○上○垂○

天○章○圖○書○集○成○公○玉○袞○三○菁○五○奧○盛○縹○紉○穀○饌○百○  
家○左○右○廂○我○公○握○管○神○飛○揚○如○攜○北○斗○斟○雲○漿○鐵○

山園集詞商皇手調女媧笙箛簧又復執經傳書  
倉忠恕堂前大道彰爾時諸公四歲強讓黎時節  
工趨蹌湖山石畔風花香口講指畫精且詳迄今  
廿載氣軒昂冰玉為心錦繡腸南山有喬排雲閭  
北山有梓增鬱蒼披圖重識舊時光百六大文不  
可量一時題贈皆琮璜臨風舒錦成七襄鰕生不  
才瞻宮牆漫續羔袖心慚惶褒成世緒綿延長讀  
書之樂方未央

古鏡歌酬孔養齋司諭憲植

養齋在西安得一古鏡歸以貽予。中心圖  
四海馬。周刻銘詞二十字。云玉匣新開蓋。  
輕灰拭夜塵。光如一片水。影照兩邊人。此  
庾子山詩。可定為北周時鏡。作歌酬之。  
孔君貽我鏡。一甌古色瑩。凝清可喜。當年曾照兩  
邊人。此日猶如一片水。碧光絳氣結春冰。底事金  
薰玉水洗。蘭成麗句鑄商銀。宛轉回環情旖旎。想

像晨粧拭夜塵。繡閣高懸窺彼美。當眉寫翠柳舒。  
芽對臉傳紅桃放。蕊黛痕深淺。問檀郎。脂顆勻圓。  
商小婢。十八風鬟鬧掃妝。寶鈿歲蕤綴蘭芷。幾度。  
迴眸四面看流光。閃爍能移晷。雲沉雨散暗消磨。  
歷劫千秋出塵滓。幸無破損感樂昌。皎潔一輪開。  
月姊。土花結暈翠珠明。髻髩釵梁搖媚子。六朝佳。  
麗印香魂。鳳舞龍蟠難比擬。願挂溫嶠玉鏡臺。故。  
人情重傳無已。

題徐松皋縉文易石園

赫繡遺封稱善國。誰樹仁聲足矜式。徐公乃有易

石園。善事陰行無德色。曾憐水患施綿衣。嘉慶九年值衡

工水災公捐輸綿衣甚多時鐵冶亭先又為旱災

生巡撫山東附摺入告得旨嘉獎給口食爾時粒米貴如珠。一聞易石皆犇趨。大者

如輪小如斗。運向園中撰畫圖。畫圖布置由心曲。

類教城市生巖谷。地傍宗祠拓百弓。小築幽居數

椽屋。敦睦堂前花徑紅。儉存亭畔松篁綠。洞天忽

闢湧奇觀側嶺橫峯氣森肅吾聞米顛好異石百  
夫運致桐杉側淮山一品寶晉齋此石此園少不  
得年來厚積古苔斑主人坐嘯開心顏晝長潑墨  
濃雲黑仞佛還疑大米山

附錄五弟作

米粟當年易械器以之易石無其事滕陽佳話  
衆人傳城北徐公開善地曾逢歉歲民苦飢指  
園不用捐輸議負石來者負粟歸借此賙難非



市義不久雲根積滿庭。愚公巧作移山計。山林  
頃在城市中。點綴峯巒高位置。即以易石名斯  
園。別構新亭挹芳翠。吟詩作畫坐其間。春花秋  
月遙情寄。我來攝篆值炎天。清標晉謁神仙吏。  
去夏攝滕縣事。承招飲園中。果狀異境軼塵寰。六月幽巖生  
爽氣。贈我麻姑採藥圖。徐熙風骨青藤秘。先生  
邱壑滿心胃。何處經營非古麗。腕底西山華嶽  
觀。袖中東海蓬萊勢。幾回流戀好林亭。聚米為

山○同○一○致○

題黃紉蘭女史二無室吟稿二首

黃名英玉  
太倉州人

適崇明縣庠  
生施芷塘

勘○破○繁○華○咏○二○無○掃○眉○才○子○適○窮○途○蘇○機○織○就○行○  
行○錦○謝○絮○拋○成○字○字○珠○對○菊○尋○梅○殘○月○冷○思○親○憶○  
第○片○雲○孤○江○南○猶○自○分○南○北○煙○水○蒼○茫○淚○眼○枯○

二

閑○從○閨○友○散○離○愁○逸○韻○飛○香○雙○桂○樓○

集中有雙桂  
樓贈徐夫人

諸作蟹殼仙人思變幻紙鳶美女嘆浮游骨能傲世

貧何厭詩到言情句自幽風格依稀黃尚媛幾回

重憶小瀛洲

崇明黃尚媛忘其號予幼年見其題仕女畫冊廿四首絕佳故及之

和黃紉蘭蟹殼仙人韻

蟹筐蠶績本非真就裡偏藏小樣身豈有胚胎懷  
日月要將靈氣馭星辰無腸暗識囊中秘八足遙  
傳象外神倘把輕軀乘鯨鶴一般水族捻生新

和黃紉蘭美女紙鳶韻

那同墨翟造飛鳶。片紙居狀擬列仙。霧鬢煙鬟天  
半動。月眉星眼掌中牽。飄飄乍着三春服。縱送還  
歸一線綿。憑仗東君風力便。任他游戲彩雲邊。

附錄紐蘭女史詩三首

臘月廿四夜懷醉六弟集唐句

小院無人夜。唐彦謙寒鐙獨可親。戴叔倫思深長帶。

別。高適臘盡已含春。杜甫鬱結回我首。杜甫支離笑此

身。戴叔倫艱難人不見。杜甫慎勿厭清貧。岑參

美女紙鳶

仿○佛○佳○人○戲○作○鳶○居○然○窈○窕○若○飛○仙○聳○身○欲○上○  
雲○端○立○昂○首○惟○憑○線○腳○牽○得○路○何○愁○風○面○面○凌○  
霄○最○怕○雨○綿○綿○前○途○尚○計○天○門○遠○未○許○曾○經○到○  
日○邊○

蠓殼仙人

自注此俗語也偶因食蟹見殼  
內果似人形面目鼻咸具

流俗丹青果是真無腸公子穩藏身芒輸蓬島  
嘶芝日酒進瑤池釀菊辰剖橘仙翁同作戲報

環。露。雀。並。傳。神。分。明。蛤。內。如。來。相。珠。玉。隨。風。吹。  
唾。新。

附錄陸赤城女史

明霞和前韻詩

脫。却。形。骸。見。性。真。居。然。明。月。是。前。身。飛。仙。擁。劍。  
霜。清。候。野。叟。彈。碁。橘。綠。辰。捲。到。蝦。簾。勞。悵。望。照。  
將。蟾。鏡。想。丰。神。輸。芒。莫。更。來。東。海。煮。得。胡。麻。好。  
薦。新。

齊王坡早麥行

齊王坡在曲阜城東南十八里。相傳齊王  
駐馬於此。其地有早熟麥。又傳為焦花女  
之遺。考宋焦花女事。繼姑至孝。姑病。思嘗  
新麥。女泣禱於天。忽於河濱得之。燎以愈  
姑。其地有燎麥臺。有孝源河。事載膠州志。  
予咏入膠川古蹟中。此地無陳迹可指。惟  
至今麥猶早熟。未定誰田。但不一頃以  
外。江西客每預期來買。割焚灰往造上品。

瓷器云非此灰不成亦異事也並咏之

齊王坡前麥一頃。中有異瑞標新穎。先期半月早。  
驚秋玉粒堅凝。金頂焦花女事屬傳聞。為魯為  
齊。無定影。姑病何嘗不食。新天心感動人心。警至  
今。他麥未含漿。此地先堪拾遺秉。製器緣何江右  
傳。粉定花瓷珍上品。物理微茫不可知。物情幻變  
精光罔一事。傳流兩地爭。騷人衍說聊相併。來牟  
帝錫豈尋常。孝行終高人一等。



喜雨篇二十九日作

天不雨兩月許。愁煞老農及老圃。麥苗枯癯菜園荒。蕪尚有黍粟未出土。士民仰天吁。兒童擂大鼓。衢市沸如煙。旬日不雨將無補。果然二十三日熏。齋壇即有陰雲出。沒奎婁間天帝召龍神。龍神催水官連朝釀雨勢。漸次灑雲端。二十九日乃大雨。簷溜溝瀆聲潺潺。豐隆屏翳元冥子。揮霍天漿惟所指。左落千偕右落千。自晨迄昏忙未已。

豐隆雲  
師屏翳

風師元冥子雨師左落千雷公江赫冲電母秀文  
右落千雨師之雨隊長  
英協力助勢驅龍兵是日得雨二犁足入土五寸  
皆優渥福習許給躍然起侮佞蘭邨亦悅服麥神福習  
粟神許給黍神侮佞蘭邨見春秋佐助期共慶收成大豐熟天上下金  
錢人間樂歲年我亦安排淬妃墨松使挑燈為作  
喜雨篇淬妃硯神墨松使者墨精

閏月朔題顏心齋先生崇槩摩墨亭詩稿

顏子辛泉懷珏以其尊甫心齋先生所著

摩墨亭初稿一卷及其續魯故同席錄心  
齋紀異牒鯖小紀諸種見示博雅宏通足  
見畢生精力所萃予欲謀梓之以傳于世  
苦力有未逮因先題詩稿以答辛泉

心齋先生魯中傑。上下千秋追往哲。精心考證金  
石文。鐘鼎商周漢碑碣。及其援筆著詩篇。白戰千  
軍無寸鐵。幾番索句摩墨亭。吟情凍入梅花雪。  
有公  
嗒然誦南華。不覺梅花凍之句。雪門桂叟相唱酬。同席同心俱卓

越先生教授魯多賢出宰江南胃臆潤有時選滕  
濯纓亭芙蓉鎮口懷芳潔有時坐聽海門潮筆底  
魚龍爭出沒先生嘗宰興化縣又於嘉慶四年秋攝理通州海門同知我客魚  
灣未締交今讀遺編心傾折龍灣別業半銷沉西  
枝草堂餘茂樾疊作里門感舊辭三十四咏瓏璦  
屑林亭易主故人稀不盡低徊語幽咽集中有和肥城司諭  
顏慕谷公里門感舊詞十二首又猶有詩吟種李  
有續感舊詞二十二首叙本宗事稿十卷存  
國全編何日謀奇願于孔荃溪觀察處入能摩

墨。墨。摩。人。賴。有。詩。傳。磨。不。滅。不。見。樂。圃。花。開。剪。白。  
羅。年。年。猶。挂。舊。時。月。

附錄里門感舊辭十首

虛白堂

原注東坡為孔道輔司寇題  
乾隆丙子改為南池 離宮

虛白堂深歲屢經風流片石溯云亭百年魯壁  
空文獻雪髯衡門草又青

南池

舊為公邸別館  
今改建 離宮

襲襲風芝水殿香小峰曲塢抱迴廊千秋古泮

留芹藻 玉輅驚旂出 上方

枝津園

孔璞齊世尹休沐地按水經注涿水經魯縣西南枝津出焉即此地

枝津西出抱春城煙草閒亭芟又生穀雨條風入午市筍籃日日賣魚聲

臨沂園

沛野世尹別墅有玉蘭八九樹花時爛熳可愛今為王氏所有

孔家園子尚臨沂挿柳編茆又一時記得春濃冰泮後木蓮花下醉題詩

蕪園

魏松谿先生別墅庚戌間湘帆壽門諸名流翕集流觴咏歌今亦畧盡

沂水當年修禊處。花源葯嶼魯門西。髯農老去。拙。衡。死。滿。地。殘。紅。鶯。亂。啼。

水木山房

孔繡谷先生別墅閩客何琦一夜鑿穿壁即此

雪笠風瓢隱士居。翛然水木半樓漁。廿年閒寂。騷人宅剩有春流到草廬。

撫松草堂

璞齋世尹外宅魯雅社始會于此今燬於火

西偏十笏曲廊斜。酒榼詩瓢迹半賒。一夜龍鱗。空。劫。火。秣。焚。風。外。送。昏。鴉。

湖上草堂

孔雨村先生別墅雍正甲辰乙巳間湖山吟社八子嘗會于此

雨村石屋帶湖煙小築山房別有天吟社祇今

傳八子風流雲散是何年

君子門

外曾祖孔佃野先生故居在息陬地里人感其義贈此

息陬一聚魯南居布穀陰陰社雨踈山色河聲

留逸老諸孫落拓抱遺書

參議故宅

曲阜孔顏氏外惟魏氏世族最久宅在五馬祠街後歸趙氏

木有喬枝鳥有朋依依煙景魯東城閑庭尚見



營巢燕莫向東風問姓名

十二日題孔俊峰明府

昭杰

回頭是岸圖

宦海原如不繫舟。衝波直上碧雲浮。新聲合唱江  
南好。古意難忘塞北秋。遙望石人升斥岬。全憑鐵  
柱鎮中流。石人頭出土四尺五寸在海岸鑲柱岡  
在城北均屬鹽城境時兄將赴鹽城新

任故

君今方得乘風便。且緩收帆紀勝遊。

又題俊峰明府雪泥鴻爪冊子四首

重提往事一銷魂。十五年前舊酒痕。底事幽蘭易

摧折不教紅葉締吳門

丙子歲秋兄遊姑蘇飲於歌女王幽蘭家蘭贈以針

指願托終身事不果諧女亦尋歿

千里柔冤繫客思多情枉寫四幽詩

兄自稱友蘭主人賦幽思

幽夢幽恨幽感四詩可憐一別雲消散冷雨斜陽泣磬兒

青樓夢幻小游仙二素音聞亦渺然

謂同時有倘素雲素芳

若癡心灰不盡他年重結再生緣

渡僧橋畔我常經欲跡芳踪已杳冥幸有雪泥鴻

爪在貞娘墓上草懷青

修武縣邵芝臺明府 鳳依 寄惠掃紅亭詩序

及續刻紅雪詞序誌謝兼以寄懷二首

飢驅日久故人疎音問聊憑驛遞書別夢已驚千里外離懷況積十年餘竟夫學術通經世太史文章富石渠題贈序言雙管下殘編轉自愧蟲魚

二

不堪回首數交遊天海樓還度嘯樓李漁衫孫曉塘諸君久已辭世彩筆忽添紅雪艷高情恍共碧雲流嵇山著績

賢聲遠。嵇山在修武縣西北晉嵇康所居有竹林七賢遺蹟洙水牽愁客思幽。有日塵緣能撒手。更尋古蹟入中州。

二十日題開縣孔堇生明府昭焜蜀道倭遲

### 草

雄才傑出魯門東。蜀道倭遲一夢中。廣廈無忘榛櫟綠。初冬早咏牡丹紅。集中腐齋八木詠有榛櫟詩又有初冬詠牡丹詩力能禁蹙功非淺。志切安民運轉窮。眼底升沉何足論。請看蔗井有源通。集中有浚出蔗井詩

篋中檢出己卯歲朱石甫

瑋

所寄詩畫扇

巾箱初啟墨香浮。十二年前贈聚頭。閱歲已經更  
一紀。懷人豈止隔三秋。才堪越俗情偏重。詩到關  
心扇亦留。它日相逢存左驗。仁風揚遍幾迴眸。

附錄石甫原作二首

三載相思憶別顏。昔君初出我初還。每傾竹葉  
因懷友。為伴梅花不出山。老屋僅存風雪裏。故  
人常入夢魂間。汪倫適報南鴻便。檢取吟篇質

魯般

故○人○一○別○思○漫○漫○勁○節○猶○能○耐○歲○寒○个○字○不○成○  
偏○畫○竹○要○他○千○里○報○平○安○

鄉耆龐鎮以百有二歲見報五弟贈慶溢期

頤區挂予贈以詩

在西忠社  
星家村

長○生○仙○籙○啟○仙○源○百○二○齡○徵○龐○士○元○東○魯○名○區○稱○  
大○耄○西○忠○古○社○老○衡○門○年○踰○絳○縣○身○偏○壯○術○秘○青○  
囊○齒○益○蕃○卜○宅○星○家○村○已○久○從○今○合○號○壽○星○村○

題顏心齋先生同席錄二首

牒。鯖。小。紀。辨。稱。名。雪。笠。山。房。考。覈。精。餘。緒。又。編。同。  
席。錄。說。文。穿。透。六。書。明。

歐。洪。博。物。本。無。倫。顏。桂。齋。驅。蠹。簡。新。尚有同席錄  
合本存于熊  
介。之。觀。察。處。我。亦。凋。蟲。癖。金。石。未。知。同。席。更。何。人。  
不。可。復。得。

五月望日吟稿十四卷錄成綴四絕句

桑。榆。晚。景。諒。無。多。少。不。如。人。老。奈。何。問。水。尋。山。前。  
日。事。肯。將。雲。物。暗。銷。磨。

又見紅榴放樹梢。故交零落有新交。往來贈答餘吟稿。手自增刪手自鈔。我生幸際太平時。但有譽詞無毀詞。不解世人輕薄甚。暗藏譏刺費心思。兩載鳩工手不停。唐槐館刻掃紅亭。詩成萬首隨流水。拾得零星付汗青。